

昨

非

庵

日

纂

昨非菴日纂三集坦游卷之六

閩中昨非居士鄭瑄漢奉甫輯

司馬溫公家居時春夏多在洛。秋冬在縣。每日與從學者講書。用竹筒貯簽。上書學生姓名。講後一日。卽抽簽。令講。講不通。亦微數責。公每五日作一煖講。一杯一飯一麵。肉菜各一而已。公先壠在鳴條山。墳所有餘慶寺。公一日省墳至寺中。有父老五六輩。上謁云。欲

獻薄禮。乃瓦盆盛粟米飯。瓦罐盛菜羹也。公享之如太牢。既畢。復前啓曰。某等聞端明在縣日爲諸生講書。村人不及往聽。今幸畧說。公卽取紙筆書孝經庶人章講之。旣已。復前白曰。自天子章以下。各有毛詩四句。此獨無有何也。公默然少頃。謝曰。某生平慮不及。此當思其所以奉答。村父笑而去。每見人曰。我講書會難倒司馬端明。公聞之。畧不介意。

金陵史忠人呼爲史癡女笄當嫁婿貧不能具禮史詭攜觀燈同妻送至婿家取笑而別

夏原吉治水江南至崑山寓于壩寺中公所居不陳儀從坐一室觀書如寄人有鄉民數人來寺遊觀雜坐其旁旣而問僧尚書何在僧曰觀書者是也民惶懼奔走公殊不爲意

蔡若謨美鬚眉一日屬清閒之燕上顧問曰卿鬚甚美長夜覆之於衾下乎將寢之於外

乎君謨無以對。歸舍暮就寢。思聖語。以鬚寢之內外。悉不安。一夕不能寢。蓋無心與有心異也。

凡人燕會交接之間。人品不齊。或行檢有玷。或相貌不全。或今雖尊顯。而出身本微。或先世昌隆。而後裔流落。以類推之。忌諱甚多。須用心檢點一番。切勿犯人所忌。令人愧憤。亦君子長者之厚道也。

俞允文家貧不治生產其配絳縉洗助之猶不給也允文獨夷然曰不能三食乎則姑二食乃至不二食乎則又曰姑一食

處世要牛馬恁呼處心却鳥魚自適不能鳥魚自適必不能牛馬恁呼此却與衆浮沉者迥別

余幾番見某事以爲必如此然矣而卒不然幾番料某事以爲必出若人矣而卒非其人乃

知事不可私計。人不可過疑。

飽諳世故。一任覆雨翻雲。總慵開眼。會盡人情。
隨教叫牛喫馬。只是點頭。

大著眼睛看。縮著嘴頭說。硬著脊梁擔。放著肚
皮納立著腳跟做。

冤家恩愛心。嘗作平等之觀。上帝悲田眼。不見
可憎之物性。鮮貪嗔。六時畏作惡業。趣能領
畧。四季都是良辰。昔人不云乎。此老終當以

樂死

商君載甲操戟。李愬一夕九徙。每出劒戟自隨。
李林甫重關複壁。仍一夕十徙。出入金吾清
道。其視韓魏公之揭帷示刺客。郭令公赴魚
朝恩宴。止家僮數十人。度量廣狹。何如哉。

王鞏字定國。坐蘓軾黨。貶賓州。軾臨北歸別。鞏
出侍兒柔奴進酒。軾問柔奴。嶺南應是不好。
柔奴曰。此心安處。便是吾鄉。軾因作定風波

一詞以贈

程伊川父。聃。尉。廬。隣。屏。中。多。惟。一。日。家。人。忽。告。
都。君。有。鬼。執。扇。者。都。君。曰。天。焚。故。爾。又。一。日。
報。曰。鬼。鳴。鼓。都。君。曰。予。之。桴。自。是。家。人。不。敢。
復。言。惟。亦。絕。

歷。代。縉。紳。之。禍。多。肇。於。言。語。文。字。之。激。是。故。誹。
謗。激。坑。焚。之。禍。清。談。激。黨。銅。之。禍。臺。諫。激。新。
法。之。禍。清。流。激。白。馬。之。禍。禍。生。於。激。何。代。不。

然其始也。一人倡之。群起而和之。不求是。非之歸。乃謹焉。狂焉。牢不可破。其卒也。不可收拾。則所傷多矣。

邵康節會有四不赴。謂官府公會。不相識會。大衆廣會。勸酒醉會。又有四不出。謂大寒大暑。大風大雨。有五樂。謂樂生中國。樂爲男子。樂爲士人。樂見太平。樂聞道義。有五喜。謂喜見善人。喜見好事。喜見美物。喜見嘉景。喜見大

禮有四幸。謂幸長年爲壽域。幸豐年爲樂國。
幸清閒爲福德。幸安康爲福力。有三惑。謂年
老不歇爲一惑。安而不樂爲二惑。閒而不清
爲三惑。

寇平仲丁謂同列。嘗會食中書。平仲羹汗鬚。謂
徐起拂之。平仲笑之曰。參政國之大臣爲長
官拂鬚耶。謂大慚恨。遂成嫌隙。愚謂此過在
平仲也。拂鬚之事。雖媿寔敬。惻人如謂知微

事公寔難從而斥之。設多行無禮。將若之何。
異日到海之行。怨恨於此。豈獨孤注者爲哉。
有味哉不惡而嚴也。

山濤晚與尚書和藹交。又與鍾會裴秀等并申
欵昵。以二人居勢爭權。濤平心處中。各得其
所。而俱無恨焉。白樂天與楊震卿爲姻家。而
不累於震卿。與元禎牛僧孺相厚善。而不黨
於元禎。僧孺爲裴晉公所雅重。而不因晉公

以進爲李文饒素不樂而不爲文饒所深害處世如二公亦足矣

張洪陽曰我無是心而人疑之於我何與我無是事而人誣之於我何慙縱火燒空何處著熟風波洶湧虛舟自開

郭文河內軌人隱大滌山中嘗有猛獸張口向文文視其中有橫骨乃以手探去之明日獸置一鹿以報王導聞其名迎至朝士觀者如

堵文頽然箕踞旁若無人。一日忽求去。結廬臨安窮谷間。及蘓峻反破餘杭。而臨安獨全人以爲先見。

魯宗道。真宗時爲諭德。嘗遣使召之。宗道方與鄉人飲酒肆。使者曰。上訝來遲。何辭以對。宗道曰。第以實告。飲酒乃人之常情。欺君臣子之大罪。使者如其言。上加忠實拜參知政事。舉朝憚之。目爲魚頭參政。

天者付之天。不與我事。人者付之人。不與我事。
子孫者付之子孫。不與我事。我者付之天。付
之人。付之子孫。亦不與我事。方謂之息機。方
謂之省事。漢方謂之了心人。

有心應物。不若無心。甘心履危。未必逢禍。縱意
處安。未必全福。

蔡元定從朱熹遊。韓侂胄乘政。逐朱熹爲學之
禁。元定曰。吾其不免乎。及聞賈怡然就道。熹

從遊者百餘人。餞別蕭寺。多歎歎泣下者。臺
微視元定。不異平時。數日。友朋相愛之情。季
通不挫之志。可謂兩得矣。元定貽書諸子曰。
獨行不愧影。獨寢不愧衾。勿以吾得罪故。遂
自解弛也。

東坡在惠與參寥書云。貶所便過一生也。得人
懼瘴癘病人。北方何嘗不病。是病皆死得人。
何獨瘴氣若苦無醫藥。京師國醫手裡死漢。

尤多。若坡公者。可謂善處憂患矣。

太祖既廟祀歷代帝王。自伏羲以下。皆塑像。至元世祖。其面屢汚淚痕。塑工頻修飾。越宿如故。上聞之。幸廟對之曰。癡韃子爾以胡人入主中國。傳祚幾百。可謂幸矣。今日曆數在予汝之子孫。曾不加害。但驅還漠北。我之待勝國。可謂恩而有禮矣。汝復何恨。空自寬釋。毋再啼哭爲也。明目視之。淚痕遂滅。

胡邦衡謫新州李彌遜書十事以贈。一曰有天
命。有君命。不擇地而安之。二曰。惟君子困而
不失其所亨。三曰。名節之士。猶未及道。更宜
進步。四曰。境界違順。當以初心對治。五曰。子
厚居柳葉愚溪。東坡居惠築鵠觀。若終身焉。
六曰。無我方能作爲大事。七曰。天將任之。必
大有摧抑。八曰。建立功名。非知道者不能。九
曰。太剛恐易折。須養以渾厚。十曰。學必明心。

記問辨說皆餘事也

山堂禪師曰。蛇虎非鷙鳶之讐。鷙鳶從而號之。以其有異心。故牛豕非鸚鵡之取。鸚鵡集而樂之。以其無異心。故是故疑於人者。人亦疑之。忘於物者。物亦忘之。古人與蛇虎爲伍者。善達此理也。

杜靜臺先生曰。惱怒只害得自己。何嘗害得人。其能害人者。必自惱怒生出枝節也。先生清

齋對聯無求勝在三公上知足嘗如萬斛餘
道人居塵涉世須心坎中自作一活計事到隨
宜應之既罷得片席便據以爲安大都與出
作入息爲緣是安樂法

黃山澗中生班魚如蝘蜓而無足。舍含水登木
隱樹杪叢葉中。仰口汪汪然渴鳥過而飲
之。輒箠翕曳而入水。恣其嚙嚼。小蟲設機陷
物。隱慘乃爾。可畏哉。

人生○墮○地○名○位○分○數○已○定○非○他○人○能○提○挈○亦○非○他○人○能○摧○敗○把○柄○在○我○進○退○有○命○小○人○枉○用○算○計○君○子○無○勞○準○備○

程明道終日端坐如木人焉。操行甚嚴毅。及接賓客。令人如在春風中。未嘗稍以意氣加人。故黨人之禍獨不及焉。

溫公有一僕。二十年只稱君實秀才。蘇子瞻學士來。謂因聞而教之。明日改稱大叅公。相公。

驚問以實告。公曰。好。一僕被東坡壞了。

韓持國知潁州時。查彥以狀元及第判州事。每稱狀元。持國怒。曰。狀元無官耶。自是改呼僉判。彥終身晦之。馬涓亦以狀元及第判秦州。亦呼狀元。秦帥呂晉伯曰。狀元者。及第未除也。既爲判官。則勿稱之矣。涓愧謝之。二事絕類。而一啣一謝。固自其品不同然。持國厲聲而咤之。故其人多怨。晉伯平心以道之。故其

人多悅。程子曰。凡爲人言者。理勝則事明。氣忿則招拂。此之謂也。

蛇虎非噬人。人先藏殺意。逢人料必死。先發求生地。若與共忘機。怨毒無報施。虺蝎變吉祥。和氣消陰鷙。

心不負人。面無慙色。志不驕人。面無德色。氣能自勝。面無懼色。量能容人。面無怒色。所務在內。面無慾色。故曰。君子不失色於人。

或問姪嫉字皆從女何居曰女子陰性多姪嫉故字旁從女明其非鬚眉丈夫事也以丈夫而同女子之行豈不可恥

唐開元間黃門監魏知古本起小吏因姚崇引薦以至同爲相崇意輕之請知古攝吏部尚書知東都選事知古卿之崇二子分司東都恃其父有德於知古頗招權請託知古歸悉以聞它日明皇從容問崇卿子才性如何今

何官也。崇揣知上意。對曰。臣有三子。兩在東都。爲人多欲不謹。是必以事干魏知古。臣未及聞耳。明皇始以崇必爲子。隱及聞崇奏喜。問卿安從知。對曰。知古微時。臣卵而翼之。臣子愚。以爲知古必德臣。容其爲非。故敢干耳。明皇於是以崇爲無私。而薄知古負崇欲斥之。崇故請曰。臣子無狀。撓陛下法。陛下赦其罪。已幸矣。苟因臣逐知古。天下必以陛下爲

私於臣累聖政矣明皇久乃許之知古罷爲

工部尚書

師驥馬之智慮切莫忽略下人觀龍蛇之蟄伸
何得欺他貪士

人人賦性寧容一例苛求事事憑天未許預先

打糞

窮天窮地何勞妬彼高才獨地貨泉奚事忌他
富室分付都蘇造物相形切莫煩心

聞儔人行一善事。睡夢代渠喜歡。見同類作一
非爲寢食替他憂惱。

或問生死。日晝夜。或問今生來生。日今日來日。

或問佛土。日清淨慈悲。或問地獄。日貪濁忿

怒。或問快樂。日知足。或問尊榮。日無求。或問

報應。日形影。或問長久。日如嘗。或問享福。日

無禍。或問壽考。日不朽。衡山石頭希遷大師。

有僧問如何是解脫。師曰。誰縛汝。又問如何

是淨土師曰誰垢汝又問如何是涅槃師曰
誰將生死與汝予愛禪家此語亦設一問如
何得心地清涼當答曰誰令汝熱惱又問如
何得心地安淨當答曰誰令汝煩動

直道不乏心知評鳳評鴉儘聽橫目槩多肉眼
呼牛呼馬俱安

人有偏才相得交濟昔寇至人竄獨遺瞽者盲
者待死耳然瞽者指盲者盲者負而走兩人

皆免。乃知兩相爲用。則無偏廢之才。
綱繆太多。轉是道誼之薄。檢點愈密。益深寘詐
之憂。

王弘之會稽上虞人。性好釣。每垂綸時。人問渢
師得魚賣否。弘之曰。亦自不得。得亦不賣。日
夕載魚入上虞郭。經故舊門。各以一兩頭置
門內而去。

吳競祥符人。嘗與劉子玄撰武后寶錄。敘張昌

宗誘張說。誣執魏元忠事。及說爲相。問競曰。
劉生書魏公事。不少假借。奈何。競曰。子玄已
亾不可受。冤地下競實書之。聞者嘆其直。
世局棋新。不著最爲高手。人心兵險。無求安有
敵頭。

我于人一切寬解成就。諉合如此。不足爲恩。人
于我一切橫逆誹謗。實無所傷。未足爲怨。非
思而望報。祇怠我之先施。非怨而報人。復生

彼之攻擊

裴度東都留守。因閩豎擅威。力請罷治第。集賢里。日與白居易。劉禹錫。文酒相歡。不問戶外事。每使臣自洛來。上必問度安否。臨卒。謂門人曰。吾死無所繫。但午橋莊。松雲嶺。未成軟碧池。繡魚尾。未長漢書。未終篇。可爲恨耳。人處斯世。終日在戈矛中。若一披甲擁楯。以不肖之心待人。未有不中其傷者。一味清潔朴。

原守以靜而待以誠。潭潭焉無所露。庶可免于患乎。

范淶爲南昌太守。先是府官自前撫歸見之後。庭謁拜俱遠在蓬外。風雨不問。淶欲復舊制。乃於新撫初上任時。各官俱聚門將見。淶且進。且顧曰。諸君今日隨我行禮。進至堂下。竟入蓬內行禮。各官俱隨而前。舊制遂復。淶退至門外。與衆官作禮爲別。更不言及前事。而

散

李孝基所治郡邑。雖甚劇。至午卽却掃懸几庭。
無人跡。有問其術者。曰吾治無他。省事而已。
曹公時。中年入十時。作壽藏於親墓側。每日餐
罷。往坐片時。曰此中無朝無暮。無春無秋。恍
似天地未判之初。我復於初且得侍先人。無
不適矣。

揀好事做。遇不稱心事。便咽嚥。揀好人接遇。不

如意人便煩惱只此已在事物鑄鑄中如愈能鑄錯事物故曰大冶不擇金良工不擇玉人苟平心便覺有恩無怨徒知有我便覺恩假怨真

張莊簡公悅與莊懿公參一時皆以尚書同居東南城河外中隔數十武兩公元旦入城祝釐則借出而往朱侍詔家拜節待詔者吾松櫛工之稱也兩公與爲老隣肅章服拜之櫛

老則戴老人頭巾接兩尚書具茶脩賓主而出當時風俗之厚如此

沈愷爲寧波守。有惠政。高曠明爽。詩文妙天下。其堂中有春帖云。身入兒童鬪艸社。心如太古結繩時。鳳老和易坦蕩。真有蘓長公眼中未嘗見一不好人之意。遇兒童走卒。亦煦煦然仁愛之。每蚤起。卽作詩寫字。稍暇。則黏碎石爲盆池小景。令人悠然有林壑之思。凡燕

席中有戲劇卽按拍節歌有不叶則隨句正之終日無一俗事在心終歲無一俗人到門壽登八十嘗如小兒蓋近代異人也

陸平泉九旬之外每遇佳風日卽乘兒子縱觀街市子孫扶掖家僮簇擁飄飄乎仙也隨觀者百千人一日坐門首有老者熟視請問老爺何道致此上壽公第云日食龍眼當有効老者曰貧人何能得此公親以一掬畀之

蔡公龍陽歸浙轄遷蜀時江陵嚴禁驛遞公微服幸蒼頭持行李附蜀商歸舟舟中與商人送爲賓主了無城府及抵省守道官吏來迎者千人商驚怕叩頭請罪公曰今不用驛遞欲獨買一舟則太費說明又不便相與所以不言何必介意

邵康節先生云聞人之謗未嘗怒聞人之譽未嘗喜聞人言人之惡未嘗和聞人言人之善未

則就而和之。又從而喜之。故其詩曰。樂見善人。樂聞善事。樂道善言。樂行善意。聞人之惡如負芒刺。聞人之善如佩蘭蕙。

王見峰云。跛者羨行。徒者羨乘。不跛不徒。復有所羨。人心何嘗有足時。會做受用。人急事化緩。事大事化小事。小事化無事。以電光泡影視幻身。以浮雲秋水視世態。盈虛消息坎止流行。隨其所止。坦然自得。

知足歌云。人生儘受福。人自不知足。思量事累。
苦閒著便是福。思量餓寒苦。飽暖就是福。思
量病時苦。健著便是福。思量危難苦。平安便
是福。思量監禁苦。放著便是福。思量死來苦。
活著便是福也。不必高官厚祿。也不必堆金
積玉。看來一日之間。許多自然之福。只因看
不破。譬喻一譬喻。五行以分定。知機便是福。
終日竟戚戚。惟是不知足。本是無事人。討得

憤心曲本是溫飽人。弄得缺食服。本是強健人。縱得病拘束。本是平安人。幹得危險辱。本是無罪人。惹得入牢獄。本是長壽人。作得死。催促世間能幾人。會享自然福。我勸世間人。不要不知足。富貴非力求。迷途空碌碌。

警世語云。風波境界立身難。處世規模要放寬。萬事盡從忙裏錯。此心須向靜時閒。路當平處行便穩。人有長情耐久看。直到始終無悔。

吝總生枝葉便多端。吾生落落果何爲。世事紛紜沒了期。少算人皆嘲我拙。多求我却笑。
人痴庭花密密疎疎葉。溪柳長長短短枝。萬事欲齊齊不得。天機正在不齊時。

屏之張也直則不可立必也回而曲之輪之轉也方則不可行必也揉而圓之處世亦然雖然屏必有幅輪必有軸屏雖欲曲不可不齊輪雖欲圓不可不正君子自處也亦然

當樂境而不能享。畢竟薄福之人當苦境而反覺甘方。是大受之器。

事勢已成敗局就該撇下留在胸中越添鬱悶事機未有頭緒當聽自然強去管爲多遺悔恨

聽不平事徒憤胸臆接不平人徒減殞眠此沒身涉世不了之苦海也吾安能以一身當之哉不聽不接自登彼岸

郁離子曰。石激水。山激風。法激姦吏。激民言。激戎直。激暴。天下之紛紛生於激。是故小人之作亂也。繇其操之急。抑之甚。而使之東西南北。無所容也。

友誼之薄。緣訂盟之濫。而責報之奢。夫濫于訂盟。既視之太輕。奢于責報。又視之太重。兩情冰炭。并用之一人。卽父子兄弟。不能強其遂願。況泛泛者乎。

事有急之不自者寬之或自明母躁急以速其
忿人有操之不從者縱之或自化母操切以
益其頑

能與善人居不能與惡人處畢竟是學力未到
夫惡人如蛇蝎猛獸戾氣所鍾造物猶不能
絕第當善待之使不能爲害而或介介疾視
若旦夕不可容多見其不廣也

文清曰或謂人有慢已者何以處之曰使已有

可慢之事則彼得矣已無可慢之事則彼失矣失得在彼已何與焉

傷心之怨莫如攘利沒世之恨無如發隱發人隱私人誰容我奪人利益人誰甘我出爾反爾戒之哉

普濟人利物之澤以積陰功養優閒澹漠之衷以緩末路

兔死狗烹鳥盡弓藏越王漢祖之事後世往往

有之謀臣猛將以此終悔者多矣東魏邙山之戰彭樂以數千騎入魏軍魏軍既敗高歡使樂追宇文泰泰窘謂樂曰癡男子今日無我明日豈有汝耶樂從言遂歸澗水之戰慕容紹宗以騎五千夾擊侯景景衆大潰以數騎自陁石濟淮使人謂紹宗曰景若就擒公復何用紹宗乃縱之樂紹宗之不終臣事罪則有在抑繇後世君臣之間有不足相信者

遂致如此。樂紹宗豈獨欲養寇自資而留患
自救之心不能無也。高歡臨死謂世子澄曰。
彭樂心腹難得。宜防護之。堪敵侯景者唯慕
容紹宗。我故不貴之。留以遺汝。歡之疑樂。蓋
自其追黑獺時已染襟斷知紹宗之才。而故
不之貴。使澄私其恩。而爲澄用。然竟何益。高
氏父子若積誠御物。物以誠應。彭樂自可腹
吾赤心。紹宗亦何必庸此形跡。預使激誘吾。

有機心于此苟非頑然者亦豈不知而肯一
一墮吾計中歎之所言徒斃樂耳紹宗非陳
元康素安其意其肯爲澄用耶

隨緣方便念念寬和事事利濟俯而從人曰循
易而可親曰良莫錯會了密如秋荼察見闊
魚非所以養平和之福

人世無一刻不是緣無一處不是緣無一人不
是緣爲世間人只好隨緣度日何必強生分

別抹破緣因

上海和平之福只在隨緣一生牽惹之勞止因
好事

人有未可遽格者。巽以入之事有未可易處者。
靜以制之效有未可驟致者。安以待之。

余每言人觸事有三等。太上如張網任風。東西
吹聽其直過都不堪惹。次如火炮猝着卽發。
發過卽休最下如氣球盛却一肚皮氣緊拴。

却。口不至爆裂。終不消也。噫亦苦矣。

唐玄宗于端午日賜丞相鍾乳。宋璟命付醫人合鍊子弟曰。上所賜當珍付其家。必遭竊匿。璟曰。持誠示信。尚懼見猜。以猜示人。其可得乎。爾勿以此待人。真長者之論。

應事接物。須是以靜待動。以開處。如水流而境自靜。雲急而月自遲。纔有無限光景。

人之性行。雖有所短。必有所長。與人交游。若常

見其短而不見其長。則時刻不可同處。若常念其長。不顧其短。雖終身與之游。可也。

人要有轉念。轉念蚤則愁煩中可覓瀟散境界。不然恐俗障沓來。祇徒憂而無益。人要有餘地。餘地留則馳驟中可存從容趣味。不然恐快心事過。或涉險而難收。

溫公嘗言。劉器之平生只是一個誠字。更撲不破。居嘗杜門屏跡。不妄交游。人罕見其面。然

田夫野叟市井細民謂若過南京不見劉侍
制如過泗州不見大聖及公歿士庶女婦持
薰劑誦佛經而哭者日數千人後二年虜人
驛墳戶發棺見公顏如生驚曰必異人也蓋
棺而去公嘗自謂曰安世除諫官三日有大
除拜安世便入文字及得罪章惇必欲見殺
人言春循梅新與死爲隣高竇雷化說着也
怕八州要地安世遍歷七州然未嘗一日病

年幾八十堅悍不衰何以至此曰誠而已

視天下事皆如飄瓦虛舟順逆偶然葛藤盡掃
便今來去無心視天下人皆爲前因宿果冤
親平等墨碍都捐得了多少自在

人生世上那管得許多那好得許多那能使人
人說好那能使人不說吾不是只要做事十
分不差心上無愧便了

遇事只一味鎮定從容縱粉若亂絲終當就緝

待人無半毫矯僞欺懼雖狡如山鬼亦自歎誠

盧多遜與昉相善。昉待之不疑。多遜知政多斂。昉人以告昉。昉不信之。後太宗語及多遜事。昉頗爲解釋。太宗曰。多遜毀卿一錢不直。昉始信之。太宗繇是目昉爲善人。

昔聞一長老云。人情有何難知。但從不好一邊求之。卽得矣。此衰世之言也。

心無機事。案有好書。飽食晏眠。時清體健。此是上界真人。

廉所以懲貪。我果不貪。何必標一廉名。以來貪夫之側目。讓所以息爭。我果不爭。又何必立一讓的。以致暴客之讐乎。

或薦梅詢可用。真宗曰。李沆嘗言其非君子。時沆沒二十餘年矣。歐陽文忠嘗問蘓子容云。宰相沒二十年。能使人主追信其言。以何道。

予容言獨以無心耳

黃魯直云。人生歲衣十疋。日飯兩盂。而終歲蕭然。疲役此何理也。男女婚嫁。緣渠饑墮地。自有衣食分齊。所謂誕寘之隘巷。牛羊肆字之其不應。凜餓溝壑者。天不能殺也。今蹙眉。終日正爲百草憂。春雨耳。青山白雲。江湖之湛然。可復有不足之歎邪。

孫和甫奉使虜中。過魏。請教于韓魏公。公曰。勿

以爲夷狄而鄙薄之甚善。

吾輩治家。于凡五穀菓蔬之類。皆須自爲料理。
至于下人偷竊。自不能免。但不至太甚。則可
矣。慈湖先生曰。先君常步至蔬圃。謂園丁曰。
吾蔬每爲人盜取。何計防之。園丁曰。須排一
分與盜者。乃可。先君因欣然顧某曰。此園丁
吾師也。作家者宜知此意。

韓魏公晚與永叔相知。而相親最深。永叔深服

公之德量。嘗曰。累百歐陽修。何敢望韓公。公
曰。永叔相知無他。琦以誠而已。公知永叔不。
以繫辭爲孔子書。又多不以文中子爲可取。
中書相會。累年未嘗與之言及也。

瓦砾在道。過者皆弗見也。聚之以紙。人必拾之。
矣。十襲而積之人。必益之矣。故藏之人。思亡。
之掩之人。思檢之人。思窺之人。障之人。思。
望之。惟光明者。不令人疑。故君子置其身于。

光天化日之下

奇峰峻嶺止可偶一登之。國都皆寬平廣大者。天下之亂庸庸者釀成之。皎皎者激成之。兩項大率相半。嗟乎。庸庸者何足責。皎皎者又托于君子而不可責。可若何。

一切順逆得喪。毀譽愛憎。安知字宙古今聖賢。凡民都有的不必輒自驚異。

吾人身家之累。思前慮後。有許多未了勾當。此

須以不了了之隨身有無隨家豐儉隨緣順應一毫不起非妄之想公外之求則身家之事一時俱了若只在身家事上討求完全稱意日出事生終身更無了期

處天下事前面嘗長出一分此之謂豫後面嘗餘出一分此之謂裕如此則事無不濟而心有餘樂若扣殺分數做土必有後悔處人亦然施在我有餘之恩則可以廣德畱在人不

盡之情。則可以全好。

待君子易。待小人難。待有才之小人。則又難。待
有功之小人。則益難。

求治不可太速。疾惡不可太嚴。革弊不可太盡。
用人不可太驟。聽言不可太輕。處已不可太
峻。

雲間陸學士謂。凡處人已之間。事之可否。以理
裁之。則可以氣加之。則不可以。如魏沈介以舟

行遇風絕糧從姚彪貸百斛鹽以易粟姚命
覆鹽于江中曰明吾不惜惜所與耳晉王修
齡貧乏陶範以一船米遺之却曰王修齡雖
饑當就謝仁祖索食何須陶胡奴此皆以氣
加之者也

治小人寃平自在從容以處之事已則絕口不
言則小人無所聞以發其怒

昨非卷日纂三集頤真卷之七

閩中昨非居士鄭瑄漢奉甫輯

人身視聽吸鼻言動思想俱屬陽火內中精髓
血脈則陰精也陽一動便能燉陰專恃陰精
克溢足供其揮運耳素問曰陰精所奉其人
壽陽精所降其人夭降者降伏之降陰不足
而受陽之制立見枯竭矣

水中所生之火冲融醞釀真陽也真陽生陰離

水獨制之火燒灼焦熬。驕陽也。驕陽耗陰人見美麗及淫穫事。熾然舉一念。不獨陽道興舉而四體盡覺焚如。稍久卽火逼金鎔。關元已滲泄矣。若原無一念。而腎中真氣自生。薰然遍體暢不可言。以意凍之。卽丹母也。

電轉雷驚。自歎浮生四十年。試思量。往事虛無似夢。悲歡萬狀。合散如烟。苦海無邊。愛河無底。流浪看成五瀾船。何人解向無嘗火裡錢。

打身堅須臾便是華顛好收拾形骸歸自然
又何須著意求田問舍生須宦達死欲名傳
壽夭窮通是非榮辱此事緣來都在天從今
去任東南西北作個飛仙

葉石林住吳興山水幽絕處終日聽泉弄石讀
書談道晚而有得慨然曰自無知求有知易
自有知入無知難其見解卓矣

白石生辟穀嘿坐人問之不答固問之乃曰世

間無一可食亦無一可言采雲膏霞液精神
自往來而已余以爲精神自往來卽雲膏霞
液也熟讀黃庭乃見此理

道書極貴口中津液謂之金醴玉漿無事靜坐
漱而自嚥不徒灌漑五藏亦能止滅心火不
使飛焰乃旣濟之理也然非淡素自茹纏嘿
自攝則焦渴塞喉正恐無睡可嚥耳

種荷萬柄蔭蕉半畝日夕處居其間能令覓夢

馨香肌膚翠綠每六月思逃暑不得繫兀兀坐作此觀

心中須嘗。令有一種恬適處。絕精不憂。山崩不愕。此是自身大受用。却勉強不得。亦對人說不得。

睹欲之來。薰心動魄。如不可忍。及所之既倦。便似憎蟻。故久宦思田。困酒思眠也。惟學道者澹然相求。久而不厭。

陽明曰。今之訓養者。多是厚食濃味。劇酣謔浪。
或竟日偃臥。如此是撓氣昏神。長惰而召疾
也。豈攝養精神之謂哉。務須絕飲酒。薄滋味。
則氣自清。寡思慮。屏嗜欲。則精自明。定心志。
少眠睡。則神自澄。君子未有不如此而謂之
致力於學問者。

壁拈又曰。心從收處。放身向靜中。恆故養性存
心。惟有戒慎恐懼。朝乾夕惕。乃能閒適逍遙。

慈湖有言。人生不可被一區宅子。幾畝田園。貯却自己。此于學人分上。直是淺淺事。鮮能克究。能不爲宅子田園所貯者。方能不爲宇宙牢籠。世情羈絆。無古無今。浩然天地。

予以不貪之故。獲奢利者三。不涉畏途。不羣色機。一也。量入自足。身閒氣和。資養生之道。二也。習靜悟空。深知理性之法。三也。萬事貴得中。日過午則晏。月過盈則虧。物過盛則衰。器

過滿則溢必然之理也。世人昇高位積善財不務得中食極致祿者多矣。宜自戒之也。

吾居靜境可比華胥之境。吾爲逸民可比葛天之民。吾聞和聲可比鈞天之聲。飲食節約無求滋味。寢興順適何須外婦。不改其樂永錫舞老。動與吉會其如予何。

百骸導引貴乎。動久久必和柔。此道家之妙用也。一心檢攝貴乎。靜久久必凝神。此禪家之

妙用也。非二妙用。吾何所歸。

心去腎。入寸四分。天去地八萬四千里。人自子至巳。則腎生氣。自午至亥。則心生血。陽生子而地氣上升。至巳而亢。陰生午。而天氣下降。至亥而極。人身肖天地也。

白香山自言。久宦蘓州。不置太湖一片石。人曰。如此累心事。香山不做。余深服此言。天下事累心者多矣。都丟下不做。可使心不受累。

陳搏唐僖宗封爲清虛處士賜宮女三人先生作詩曰雪爲肌體玉爲腮深謝君王送到來

處士不生巫峽夢蘆勞雲雨下陽臺高僧巍

戒行嚴潔嘗有一女寄宿自稱天女以上人

有德天遣我來勸勉巍曰吾心若死灰無以

革囊見試

下令鳳林寺唐時禪師圓脩居此棲息松上白

樂天守杭嘗往參之日太師居甚險師曰太

守險樂天曰弟子居處高堂何險之有師曰
心火相構識浪不停得非險乎樂天服之

邵康節先生詩曰閒居慎勿說無妨纏說無妨
便有妨殃口物多終作疾快心事過必爲殃
爭先徑路機關惡近後語言滋味長揣其病
後能服藥不若病前能自防

楊升菴書云年來萬慮灰冷惟文字結習未忘
頗以此自累而招罪不當與而與當與而不

與皆罪也。不工則不可出。工則疲精敵神。皆累也。用是勇念書壁云。老景病魔難。親筆硯神前。發願不作詩文。自今以始。朝粥一碗。夕燈一盞。作在家僧。行逕惟持龐公空諸所有。四字庶餘年耄齒得活一日。是吾一日不然。授授應酬。何異於塵勞仕路哉。縱使藝文志。書家傳人誦。盡爲我製。何補貞我哉。

人主壽者。漢武帝七十餘。梁武帝。宋高宗。八十

餘漢武嘗言服藥節食可少病梁武勑賀琛

曰朕不與女人同室寢亦三十餘年此致壽之道不繫好仙佛也高宗之壽亦錄稟厚而

寡欲爾

立夏日兒童達隣乞米拔籬筍寸斷之雜煮作百家飯老幼分啖云食之可一夏無疾村民亦競采艸木嫩莢採粉製餅餌相饋遺時梅已如彈朱櫻的纏可愛陰森中忽一風來作

百和香不辨何樹戴勝黃鸝遠近咿啞不衫
不履徒倚林塘幽絕處亦歲時最佳候也若
營營碌碌者竟成錯過而已

凌恒達不樂舉業入計籌山學老莊道既通玉
守誠呂仲實博士張翥危素數從問衛生之
要術應曰形骸者氣血也金丹者艸木金石
也血氣有時衰耗艸木金石其能延駐之耶
又曰虛靜恬淡寂寞無爲天地清寧萬物化

育是之謂大藥上丹衛生之要也

東坡在惠時佛印致書云子瞻中大科登金門
上玉堂遠放寂寞之濱權臣忌子瞻爲宰相
耳人生世間如白駒之過隙二三十年功名
富貴轉盼成空何不一筆勾斷尋取自家本
來面目萬劫嘗住永無墮落縱未得到如來
地亦可以參駕鸞鶴翔翔三島爲不死人何
乃膠柱守株待人惡趣昔有問師佛法在其

麼處。師云。在行住坐臥處。著衣喫飯處。屙尿撒溺處。沒理沒會處。死活不得處。子瞻胸中有萬卷書。下筆無一點塵。到這地位。不知性命所在。一生聰明要做甚麼。

貴人文高獲第。隱士心薄功名。貴人歌朱雀。隱士盟白鷗。貴人擁天祿。著書隱士據虎皮。談易貴人侍玉皇。香案隱士禮繙佛。高齊貴人五色宮袍。隱十四時。毳衲貴人高車。隱士高

忧貴人千錘五鼎隱士鷄黍肥豚較對雖殊
未易優劣也

已往事勿追思未來事勿迎想見在事勿畱念
隨覺而止習以爲嘗久久彌堅不煩多學
道士吳涵虛好睡終日人號之吳猱其言曰人
如要閒必先學懶若不懶定不得閒也

臥坐空霜根老樹偃仰空漏月疎林寢室曲傍
巖阿書案平張松下階除步步芳艸軒檻處

處名花語鳥一籠半睡半醒中著耳文魚簾
沿無情無緒懶攏掌帙理叢必須雪子賡
吟共釣悉是烟流怒則打劖揮空日丈夫適
志須富貴何時喜則短琴橫膝日高山流水
定有知音但持僧偈何必作酸餚領頭雖頂
儒冠定不下冷猪註脚亂諸心矣寧費口詞
俗事有空急了者有宜姑置者了之所以安心
也置之亦所以安心也不又不置終日榮

懷擾擾苦矣。究竟於事亦無益。

每旦日將出時向明端坐兩手交握兩肘腕緊縮尾閭令腎氣絲夾脊上升至泥丸中下貫兩目旋轉數四想目有金光微啓皆見日中金光注射兩光內外相合仍入兩目從上齶降下腹中至氣穴而住仍稍用意存之如此不拘遍數久之覺有紅日一規嘗在胸懷間此不死之道也。鸞珪云人所以生者得陽精。

耳目爲陽宗常存之安得死

內經曰膀胱者決瀆之官化物出焉其言肺又曰通調水道下輸膀胱蓋人身所化之物唯溺爲多以其爲濕蒸之氣醞釀而成若大腸所出則物之渣滓耳非所化者若腎之精肝之淚肺之涕心之汗則又各乘感而生非化化所出者是以化物獨屬之膀胱之溺余嘗深察之膀胱一職不獨化和氣爲物而謂之

之亦化病氣爲物而游出之。凡病氣重則小便必澀。病氣蘗則小便漸通。入之一身能澀病氣無如膀胱者。膀胱之水澀則脾土實。脾土實則肺金清而心火降。百骸自理矣。是故養生則以實脾爲樞。治病則以疏膀胱爲樞。食服嘗溫一體皆春。心氣嘗順百病自遜。

東坡居嶺外。問長生訣於吳復古。復古告之曰。安日和安則寧。一而精神不擾。和則優柔而

情思不躁卽老氏致虛守靜之旨也

佳木有蔭淺木有紋坐涼風臨清流而意不在
吏道之惡也

語云道在屎溺余察之道真在屎溺也東坡云
要長生小便清要長活小便潔要延年清小
便麻衣和尚之師乃山中一老僧每十日半
月一解大便其矢圓潔如彈丸落地硌硌然
如磚石此經真火久煉若土之經窑燒造爲

磚坯耳。其人年三百餘歲不疾而化。麻衣尚爲童子時也。

春去春來。朱顏容易改。花落花開。白頭空自哀。
世事等浮埃。光陰如過客。休慕雲臺功名安。
在哉休訪蓬萊神。神仙安在哉。清閒兩字錢難買。
何苦深拘礙。只恁過百年。便是超三界。此外別無閒計策。

世間唯財與色。能耗人精氣。速人死。亾而方士

之言曰。金銀可點化以濟世。少女可採藥以長生。既快嗜欲。又得超勝。何憚而不爲耶。予以理情揆之。恐無此大便宜事。不敢信也。

予遊褒禪山石岸下。見一僧以紙軸枕。跣足

而臥。予坐久之。乃驚覺。相向熟視。予曰。方聽

萬壑松聲。泠然而夢。見歐陽公羽衣折角

巾杖藜道遙穎水之上。予私揣曰。此道人識

歐陽公必不凡。乃問曰。師寄此山幾年矣。道

具何在。伴侶爲誰。僧笑曰。出家欲無累。公所
言滾滾多事人也。日豈不置鉢耶。日食時。寺
有碗。日豈不畜經卷耶。日藏中自備足。日豈
不備笠耶。日雨卽吾不行。日鞋履亦不用耶。
日昔有之。今弊棄之。跣足行殊快人。予曰。然
則手中紙軸復何用。日此吾度牒也。亦欲睡
枕頭。予甚愛其風韻。恨不告我以名字。

坐多於行。默多於語。質多於文。恩多於威。讓多

於爭介多於泛。閉門多於出戶。歡喜多於怒。嗔。如此。嘗貪多。獲福自無量。

了屋吟云。半間屋六尺地。雖不莊嚴却也精製。蒲作團。布作被。日間可坐。夜間可睡。燈一盞。

香一炷。石磬數聲。木魚幾擊。龕嘗關門。嘗閉好人放參。惡人迴避。髮不剃。肉不忌。道人心。腸。儒家服制上無師。下無弟。不傳衣鉢。不立文字。不參禪。不說偈。但無妄想。亦無妄意。不

貪榮不圖利無星礙無拘繫了清淨緣作解
覧計閒便來忙便去省閒非省閒氣也非菴
也非寺在家出家在世出世卽此上乘卽此
三昧日復日歲復歲過我這生任我後裔
道人謂于子曰爾能居室如寄使僕如假起處
如在塗飲食如受乞卽無病矣

滿目經綸且寄花開葉落當塲嘯傲那知鳥去
雲來

墨子曰。非無安居也。無安心也。非無足財也。無
足心也。世之人。衣不過被體。衣千金之裘。猶
以爲不足。不知鶡衣縕袍者。固自若。食不過
滿腹。羅萬錢之珍。猶以爲不足。不知簞食瓢
飲者。固自樂。室不過蔽風雨。峻宇雕墻。猶以
一爲不足。不知繩樞甃牖者。固自安。器不適
一用。玉杯象飴。猶以爲不足。不知汚尊杯飲者。
固自遯。惟其不足。是以心之放僻。意之奔馳。

無所不至○以有限之年○濟無厭之欲○何時足耶○歲月易邁○狂迷不復悲夫○

人倫要鑑云○人心不足蛇吞象○世事到頭螳捕蟬○無藥可延○卿相壽有錢難買○子孫賢家嘗守分隨緣過○便是逍遙自在體○

陶柳林云○色身強者多病○酒量大者多醉○有所恃也○語云○善游者溺○善騎者墮○

孫真人云○怒甚偏傷氣○思多太損神○神疲心易

役氣弱病相榮勿使悲歡極當令酒食勻再
三防夜醉第一戒晨嗔故養生之道必寡思
慮以養神寡嗜慾以養精寡言語以養氣
養生者貴開發其生機生機一發則源源不窮
此謂游于不涸之府生機有二使此心嘗自
怡適而不以憂鬱窒其生機一也助養脾土
以滋化源則四藏都有生氣二也若不知此
機括雖日服補益良劑所補曾幾何

王聖俞會心言有云。伐天和以成就世事。辟猶
割肉飾俎。刺血染裳。然究竟成就亦歸虛幻。
徒自伐其天和而已。語有之寧可疎懶乖物
議。莫將性命當人情。此二言可書座右。

坐水邊林下。塵世可忘。步芳徑閒庭。情懷自逸。
鳥啼花落。且開病裏幽襟酒。漱茶香。共享閒

中清福

深山窮谷之人。多高年者嗜欲少故也。

李諧字虔和清豐人風流文辯歷中書侍郎因
娶而舉願因跛而緩步因蹇而徐言人稱其

善用三知

馬遠公云天地偏以巖壑雲樹娛天下之幽人
逸士非富貴人所可染指散吏逐臣猶可竊
取一二吾輩未嘗爲幽人但一日游覽亦

日清福余當年雖在都下風塵中日與西山
一叚秀異之氣脉脉還往無論清游香碧詠

山別有趣味卽燕市園林中多有高樹坐挹
深綠便覺不同一日同澹真兄坐一小園平
花燭燭如雪炤人酌小樓上望西山翠尖欲
滴因謂澹真曰金門亦有滄洲耶

殷仲文勸宋武帝畜妓帝曰我不解聲仲文曰
但畜自解帝曰畏解故不畜

士大夫于世法中惟廉取薄享可迓續壽之源
何從更慕長生

軒轅集隱居羅浮山年百餘歲宣宗召問之對曰徹聲色薄滋味哀樂不過德刑無偏堯舜禹湯皆登上壽者用此道也善飲酒百升不醉夜則垂髮盤中酒瀝瀝而出

人不極思不知吾生之可哀人不極思不知吾生之可樂知哀吾生者可與破塵情矣知樂吾生者可與破聖諦矣

常參大乘楞嚴十卷可以留心閒坐小窓羲易

一編林教去手

攝心須攝耳。陰符經曰：機在目。三字丹法之要也。

却病十法云：靜坐觀空，覺四大原從假合。一也。
煩惱現前以死譬之。二也。常將不如我者強，
自寬解。三也。造物勞我以生，遇病稍閑反生。
慶幸。四也。宿業現逢不可逃避，歡喜領受。五
也。家室和睦，無交謔之言。六也。衆生各有病

根常自觀察克治。七也。風露謹防。皆慾澹泊。
八也。飲食寧節。母多起居務適。母強。九也。見
高明親友。講開懷出世之談。十也。

讀書家解得尋仲尼顏子樂處。卽無事向長桑
家商衛生却疾之方。亦無事向神仙家問長
生久視之訣。

心苟無事。則息自調。念苟無欲。則中自守。
清閑之人。不可惰其四肢。又須以閒人做閑事。

臨古入帖溫昔年書拂几微塵洗硯宿墨灌
園中花掃林中葉覺體少倦放身匡牀上暫
息半晌可也

餓乃加餐菜食美于珍味倦然後睡草薦勝似
重裯

斗室中萬慮都捐說甚畫棟飛雲珠簾捲雨三
杯後一真自得惟知素琴橫月短笛吟風

初學打坐法須厚鋪軟座寬衣解帶結跏趺坐

或半跏趺坐。令腰脊頭項骨節相拄。耳與肩對。鼻與臍對。舌抵上腭。唇齒相著。目須微閉。不可全閉。若全閉。恐易昏睡。身須平直。狀類浮圖。坐要安舒。任其自然。息從鼻通。不可龐。不可促。不可閉。不可抑。出入往來。務要綿綿不斷。亦不可著意爲之。一切善惡。都莫思量。念之卽覺。覺之卽無。久久忘緣。自成一片。出定之時。徐徐動身。安詳而起。若得此意。自然

四大輕矣所謂安樂法也

何地非真境。何物非真機。芳園半畝便是舊金
谷。流水一灣便是小桃源。林中野鳥聲。聲便
是一部清鼓吹。溪上閒雲幾片。便是。一幅真

畫圖。

閒中覓伴書爲上身外無求睡最安

從五更枕席上。參勘心體。氣未動。情未萌。纔見
本來面目。向三時飲食中。緒練世味濃不欣。

淡不厭方爲切實工夫。

神農經上藥養命中藥養性誠謂性命之理。因輔養以通也。而世人不察。惟五穀是先。聲色是耽。目惑玄黃。耳驚謠哇。滋味煎其臟腑。醴醪煮其腸胃。馨香腐其骨髓。喜怒悖其正氣。思慮消其精神。哀樂殃其平粹。夫以蕞爾之軀。攻之者非一途。易竭之身。而內外受敵。身非木石。何能久乎。

庭前幽花時發披覽既倦每啜茗對之香色撩人吟思忽起隨歌一古詩以適清興

胸中只擺脫一戀字便十分爽淨十分自在人生最苦處只是此心沾泥帶水明是知得不能割斷耳

晦菴先生曰中年以後爲學且須愛惜精神恐忽有大事來無以應之陽明方訏寧藩謂二司曰某向在長安馬上時眼光不敢過馬首

今羽檄交馳。不交睫者七晝夜矣。而形神如舊。幸有平日之養耳。抽繩二公之言。吾輩蕩心暴氣之事。安得不猛自省改。

人生太閒。則別念竊生。太忙。則真性不見。故士君子。不可不抱虛生之憂。亦不可不知有生之樂。

金柱手摩日。細石欄綆鋸痕深。喜事多言好怒。那知暗損精神。

吾見嗜酒者。晡而登席。夜則號乎旦。而寐酒其言。動如嘗者。午未二晷耳。以晝夜而僅二晷。如人則壽至百年。僅敵人二十也。而舉世好之不已。亦獨何哉。

是非塲裡出入。逍遙順逆境中。縱橫自在。竹密何妨水過。山高不碍雲飛。

真西山跋蓮花經曰。余少時讀普門品觀世音經。雖未能深解其義。然以意測之。曰此佛氏

之寓言也。昔唐李文公問藥山禪師曰。如何
是惡風吹船。飄落鬼國。師曰。李翱小子。問此
何爲。文公勃然怒形于色。師笑曰。發此嗔恚。
一念便是黑風吹船。漂入鬼國也。吁。藥師可謂
善啓發人矣。以是推之。則知利欲是火坑。貪
愛是苦海。一念清淨。烈焰成池。一念警覺。船
到彼岸。災患纏縛。隨寓而安。我無怖畏。如械
自脫。惡人侵凌。待以橫逆。我無忿嫉。如獸自

奔讀是經者作如是觀則知普陀大士真實爲人非浪言者

寵辱不驚肝木自寧動靜以敬心火自定飲食有節脾土不泄調息寡言肺金自全恬然無欲腎水自足毋以妄想戕真心毋以客氣傷元氣

徐昌穀構別墅實邑之北鄙前後冢累累或顰蹙曰目中每見此輩定不樂徐笑曰不然耶

中日見此輩乃使人不敢不樂

東坡云吾儕漸衰不可復作少年調度當速用
道書方士之言厚自養鍊謫居無事頗窺其
一二已借得本州大慶觀道堂三間冬至後
當入此室四十九日乃出自非廢放安得就
此太虛他日一爲仕宦所縻欲求四十九日
閑豈可復得耶

不忍禍從外至不遣病從內出

凡遇不得意事試取其更甚者譬之心坎自然
涼爽此降火最速之劑

人未交感精涵于血中未有形狀交感之後慾
火動極而周身流行之血至命門而變爲精
以泄焉故以人所泄之精貯于器拌少鹽酒
露一宿則復爲血矣左有腎屬水右有命門
屬火一水一火一龜一蛇互相橐籥膀胱爲
左腎之腑三隻有脂膜如掌大正與膀胱相

對。有二白脉。自中而出。夾脊而上。貫于腰上。
焦在膻中。內應心中。焦在中脘。內應脾下。焦
在臍下。卽腎間動氣。人身之血。散于三焦。晝
夜流行。各有嘗度。百骸之內。一毛之小。無弗
貫徹。及慾事旣作。命門火動。翕撮三焦。一身
之血。至命門化爲精。而輸將以去。人之血盛。
則周身流溢。生子必肖其父。血微。則形骸有
不貫之處。生于不能相肖。血枯。則不能育矣。

主閉藏者腎也。司踈泄者肝也。二藏皆有相火。
而其采上屬於心。心君火也。怒則傷肝。而相
火動。動則踈泄者用事。而閉藏不得其職。雖
不合。亦暗流而潛耗矣。是故欲保元精。當知
一息怒。

寢臥不得多言笑。譬五臟如鍾磬。不懸則不可。
發聲

老人之食大抵宜溫熱熟軟。忌粘硬生冷。其應

進飲食不可頓飽。但頻頻與食使脾胃易化。
穀氣嘗存。若頓令飽食。則多傷胃。老人腸胃
虛薄。不能消運。故易成疾。然尤大忌雜食。雜
則五味相撓。更易生患。

夏月尤宜保輔。當居虛堂靜室。水次木陰潔淨
之處。自有清涼。不可當風納涼。飲食勿令太
飽。尤戒生冷粗硬油膩。及勉強飲食渴飲粟
米湯。豆蔻熟水爲妙。冬月最宜密室溫淨衾

服輕軟仍要緩舉肚腹早眠晚起以避霜威
朝宜少飲醇酒然後進粥臨臥服涼膈化痰
之劑其炙燂燥毒之物尤切戒之

白居易暮節惑浮屠至經月斷葷及致仕與香
山僧如滿結香火社士大夫晚年少參禪理
斷葷則腸胃清虛亦可却病與僧結社則塵
緣滅息并可避囂所謂心持半偈萬緣空者

非耶

答人以酒爲醉鄉以閨房爲軟溫鄉以任官爲
帝鄉謂之鄉者言處之易而立之難耳然麌
蘖腐腸粉黛伐性孤憤而見被文繡辭隱而
取譏北山其謂之何唯如彭澤之賦歸來宋
玉之賦襄王康節之詠微酣涉而不存庶無
害于情之正乎

無牽纏者卽爲解脫除熱腦者便獲清涼雖未
成靜定之功而且得逍遙之趣

病者所繇適于死之路也。欲者所繇適于病之路也。邇聲色者。所繇適于欲之路也。塞此三路。可以延生。